



## 白蟻

白蟻是滿四界攏有的蟲多，閒時看袂著伊的影跡，毋過厝前後壁有囵火柴抑是欲漚去的樹仔桎，倚著塗肉的所在若共徙振動，伊就會隨隻仔旋出來螞蟻趕，規陣挨挨啾啾恰狗蟻誠相嚮，較無全的是個頭大、色緻較白。白蟻歹治，是伊覷佇柴內，無法度共逐枝柴箍攏破來揣的緣故。閣再講伊袂全人，干焦無暝無日咧嚙柴有淡薄仔顧人怨爾，平常時無人會去插個、揣個算數。

白蟻佇舊曆七、八月的時陣，會生翼變較大身，佇日頭拄才落山的尾暗仔，一隻仔一隻袂講得濟，總爬爬出來，圍佇拉圖燒閣光映映的電火跤颺颺飛，一輾仔一輾咧蜚玲瓏。像綿仔紙遐薄的翅那飛那落，穢甲規塗跤滿滿是，賭肥軟袂飛的身軀，親像狗蟻按呢，覆佇塗跤爬來爬去。

我往過做囵仔的時躑佇製材所的工寮，不時都拄著這款光景。工人攏會用面桶貯水，踅踅電火跤承。繼落去一隻一隻家己輾落來，浮佇水面沐沐泐，無佢久就總死佇內底，一面桶湊湊，真正是有夠驚人。敢會個飛出來見人的時陣，是熱人上捷做風颺、淹大水的流擺，抑是講個攏駐死佇面桶水內底，才號做『大水蝶仔』，就毋是真知矣。製材所的工廠是柴起的厝，柱仔、楹仔、橫拱攏用家己撩開的便料，叫工人清彩搭的。鋸好欲賣人的桷仔、枋仔是木材的製品，連囵佇柴埕未撩的原木嘛是齊有柴味。白蟻無咧分芳臭，有柴就拈來蛀，濟甲趕袂離，閣治袂斷根。

工人猶有一步趕白蟻的法度，就是鋸好的製品莫囵傷久，那鋸那賣的柴料直透翻新弄振動，伊就躑袂牢。顛倒講轉來，若用「新的疊舊的」的步數囤柴料，見賣的攏對頂面搬起，毋捌僥著下跤沿的時陣，白蟻就會無人請家己來，愈炭愈旺。

白蟻蛀柴是無晝無暗、無年無節，有精差的是日時有撩柴的機器咧霆，四箍輾轉誠吵，聽袂著個的喙齒咧齧柴的聲。啊若暝時，工廠無人做穡，地靈較輕的時陣，定定聽會著個「窸窣...窸窣...窸窣...」的聲，佇耳空邊哼無歇。好佳哉相連相繼的聲調無懸無低，袂吵人的眠，我有恰意聽。

作者：藍春瑞

### ☆詞彙學習☆

【火柴】hué-tshâ：薪柴；柴火。

【塗肉】thôo-bah：土壤。

【挨挨啾啾】e-e-kheh-kheh：相互推擠。

【共人】kāng--lâng：招惹或作弄別人。

【大身】tuā-sian：大塊頭。

【拉圖燒】la-lun-sio：微溫。

【光映映】kng-iànn-iànn：極為明亮。

【蜚玲瓏】séh-lin-long：轉圓圈。

【綿仔紙】mî-á-tsuá：面紙；衛生紙。

【沐沐泐】bók-bók-siû：載浮載沈。

【流擺】lâu-pái：特殊的時刻。

【駐死】tū-sí：溺斃。

【橫拱】huâinn-kông：橫樑。

【斷根】tng-kin：根絕；根治。

【法度】huat-tōo：辦法。

【僥】hiau：翻動；翻找。

【無人請家己來】bô-lâng tshiánn ka-kī lâi：不請自來。

【地靈】tê-lîng：天地間的靈敏度。